

Ժողովուրդ

24
(2690)

17 փետրվարի ուրբաթ 2023
տպագրության ԺԲ տարի

Թ. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՓԱՇԻՆՅԱՆԻ ԹԻՄԱԿԻՑՆԵՐԸ ԽԱԲԵԼ ԵՆ. ՄԱՍ 12



2022-ի տարեվերջին կառավարության նիստերից մեկում վարչապետ Նիկոլ Փաշինյանը, անդրադարձնալով ճանապարհների՝ խոստացված տարեկան 500 կմ վերանորոգմանը, նախարար Գևորգ Սանտրոսյանից հետաքրքրվեց՝ արդյոք կատարվել կամ կատարվում է տրված խոստումը, ինչին ի պատասխան՝ տարածքային կառավարման եւ ենթակառուցվածքների նախարարը հայտարարեց, որ ոչ միայն կատարել են խոստումը, այլ նաեւ գերակատարել են 20 կմ-ով: «Փաստերի ստուգման հարթակ»-ն ուսումնասիրեց վերջին 3 տարիներին երկրում իրականացված ասֆալտապատման աշխատանքները եւ պարզեց, որ թեեւ նախորդ տարիներին Հայաստանում իրականացված ասֆալտապատման աշխատանքները, նախորդ տարիների համեմատ, ռեկորդային են, սակայն չեն իրականացվել այն ծավալով, որով խոստանում են ներկայիս իշխանությունները: Սկսած 2020 թվականից՝ իշխանությունները յուրաքանչյուր տարի խոստացել են կառուցել 500 կմ ճանապարհ: Այս թվի մեջ չեն մտնում Հյուսիս-հարավ ճանապարհի եւ համայնքային սուբվենյուս ծրագրերով ասֆալտապատված ճանապարհները: 2020 թվականին, ի հակառակ կառավարության խոստման, Հայաստանում ասֆալտապատվել է մոտ 388 կմ ավտոճանապարհ: Հաջորդ՝ 2021 թվականին եւս կառավարությունը խոստացավ կառուցել 500 կմ ճանապարհ: Ավելին՝ տարեվերջին կառավարության նիստերից մեկում վարչապետին զեկուցվեց, որ տարվա համար նախատեսված 500 կմ ճանապարհի միջին նորոգման ու հիմնանորոգման խոստումը կատարվելու է, սակայն 2021-ի համար եւս խոստացված եւ զեկուցված 500 կմ ճանապարհը չի վերանորոգվել: 2021-ին Հայաստանում վերանորոգվել է մոտ 386 կմ ավտոճանապարհ: 2022-ին եւս կառավարությունը սահմանեց 500 կմ ճանապարհների վերանորոգման/կառուցման նշանոց: Իրականում նախորդ տարի եւս կառավարությունը չի կատարել տված խոստումը: Ընդհանուր առմամբ, 2022-ին Հայաստանում նորոգվել է 486 կմ ավտոճանապարհ: Այսպիսով, փաստենք, որ վերջին 3 տարիներին կառավարության կողմից խոստացված տարեկան 500 կմ ճանապարհների կառուցման եւ վերանորոգման խոստումները ոչ մի անգամ իրականություն չեն դարձել, իսկ նախորդ տարիներին հիմնանորոգված ճանապարհների մի մասը 2022-ին կրկին ներկայացվել են որպես հիմնանորոգված: Եվ եթե կրկնակի հիմնանորոգումները չհաջվենք, ապա կստացվի, որ 2022-ին վերանորոգվել է ոչ թե 486, այլ 381 կմ ճանապարհ: Ստացվում է՝ հեղթական անգամ Նիկոլ Փաշինյանի իշխանությունը խաբել է ՀՀ հայրտ եւ արժանապատիվ քաղաքացիներին:

Այն, որ Հայաստանում իշխանական ու ընդդիմադիր պատգամավորների հարաբերությունները խիստ բեւեռացված են, գաղտնիք չէ: Այն նույնիսկ նկատվեց ԱԺ դահլիճում միմյանց վրա նետված շշուկի եւ հրահրված ծեծկռուտի ժամանակ: Թշնամանքը ակնհայտ է. անգամ ԱԺ միջանցքներով քայլելիս միմյանց չեն բարեւում: Հազվադեպ կտեսնես, որ ԶԳ-ականները, օրինակ, քայլեն այն հատվածներով, որտեղ ընդդիմադիրների աշխատասեյակներն են, կամ էլ՝ հակառակը: Իշխանությունը տարբեր երեսակայելի ու աներեսակայելի միջոցներ է հորինում, որպեսզի չեզոքացնի ընդդիմադիրներին, որոնք դաժան քննադատում են ԶԳ-ին: Իսկ, ահա, երբ Նիկոլ Փաշինյանն է գալիս խորհրդարան՝ ԱԺ-ի հետ հարցուպատասխանի, խորհրդարանը վերածվում է հատուկ պահպանվող տարածքի, որտեղ ամենուր զինված համազգեստավորներ են: Հետաքրքիր է, որ այս ֆոնին ԶԳ-ականները ընդգծված լավ վերաբերմունք ունեն «Հայաստան» խմբակցության պատգամավոր Արմեն Գեւորգյանի հետ, նրա կարծիքը հարցնում: Անգամ ընդդիմադիրների համար է առեղծված ԶԳ-ականների այս հատուկ վերաբերմունքը Արմեն Գեւորգյանի նկատմամբ: Իշխանականների այս բարոյացական վերաբերմունքը թերեւս կարելի է բացատրել նրանով, որ Արմեն Գեւորգյանը հիմնականում չի խառնվում իշխանություն-ընդդիմադիր գզվառոցին, զուսպ է իր ելույթներում, ԱԺ-ում ելույթ է ունենում հազվադեպ, այն էլ՝ խոսում բացառապես բուն թեմայից ու չի քննադատում իշխանություններին:



«Ժողովուրդ» օրաթերթին որոշ մանրամասներ են հայտնի դարձել Ազատ գյուղի կացարանի հրդեհի ողբերգական դեպքով հարուցված գործի շրջանակներում սպա Եղիշե Հակոբյանի տված ցուցմունքից: Մասնավորապես, սպան պատմել է, թե ինչպես է բռնկվել հրդեհը, որը այնքան էլ չի համապատասխանում Նիկոլ Փաշինյանի կողմից ՀՀ կառավարության նիստում նկարագրված մանրամասներին: Տեղեկացանք, որ սպան, որը երկար ժամանակ հրաժարվում էր ցուցմունք տալ, իրավապահներին հայտնել է, որ, այո, բենզին ինքն է լցրել վառարանի մեջ, բայց անմիջապես կրակ չի բռնկվել, ինքը փոքր ուշ մտտեցել է վառարանին, որ տեսնի, թե ինչու կրակ չկա, ու այդ պահին վառարանից բոց է դուրս եկել: Կրակի պահից սպան բենզինի տարան դուրս է նետել, որի հետեւանքով բենզինի մի մասը լցվել է դռան վրա ու դուռը բռնկվել է: Ըստ սպայի խոսքերի՝ միևնույն տղաների ննջասեյակին կրակը հասնելը մոտ 20 րոպե ժամանակ է եղել, ու այդ ընթացքում ինքը գոռացել, աղաղակել է, որ հրդեհ է: Սպան ցուցմունքում նշել է, որ իր հետ է եղել զինվորներից եւս մեկը՝ Լեւոն անունով, եւ իրենք միասին են գոռացել, աղաղակել, սակայն ընդամենը երկու զինվոր է դուրս եկել հրդեհից տնից... Սպան հայտնել է, որ իր համար միևնույն է հիմա ահականակալի է, թե ինչու մյուս զինվորները դուրս չեն եկել, չեն փախել կացարանից: «Ժողովուրդ» օրաթերթին հասած լուրերի համաձայն՝ քննիչը հարց է տվել սպային, թե նա տղաների հետ արդյոք կոնֆլիկտ ունեցել է. սպան պատասխանել է, որ զինվորներից որեւէ մեկի հետ խնդիր չի ունեցել: Հիշեցնենք, որ ողբերգական դեպքը եղել է հունվարի 19-ին: ArmLur.am-ի տեղեկությունների համաձայն՝ թմրաբանական փորձաքննության էր ենթարկվել Ազատ գյուղում 15 զինծառայողների մահվան գործով անցնող սպա Եղիշե Հակոբյանը. փորձաքննության եզրակացության պատասխանը նախաքննական մարմինը ստացել է, որտեղ նշված է եղել, որ սպայի մոտ թմրանյութի հետքեր չկան:



«Ժողովուրդ» օրաթերթի տեղեկություններով՝ ԳԱԱ «Փորձաքննությունների ազգային բյուրո» ՊՈԱԿ-ի տնօրեն Արգամ Հովսեփյանի պաշտոնավարման օրերը հաշված են: Բանն այն է, որ ՀՀ գլխավոր դատախազությունում մի քննարկում է եղել, որտեղ բարձրացվել է հարց, թե ինչու է դատախազությունը պարտվում դատարաններում: Պարզաբանում է հնչել, որ շատ քրեական գործերով, որով դատախազությունը պարտվում է դատարաններում, հիմնական պատճառը փորձաքննությունների արդյունքներն են: Այսինքն՝ տրված փորձագիտական եզրակացություններն են պարտության պատճառը, ու հիմնական խնդիրը եղել է հենց Արգամ Հովսեփյանի դեկլարացիան ՊՈԱԿ-ը: Եվ միակ բանը, որ այս պահին հետ է պահում Հովսեփյանին ազատելու մտքից, «Ժողովուրդ» օրաթերթի տեղեկություններով, կրկին կարդային խնդիրներն են, քանի որ համապատասխան կարգի դեռ չեն կարողանում գտնել: Հիշեցնենք նաեւ, որ հենց այս նույն ՊՈԱԿ-ն է եզրակացություն տվել Արթուր Սարգսյանի՝ Հայ բերրոյի հարցով: Եւ այժմ քրեական գործով մեղադրանք է առաջադրված ԱԺ «Հայաստան» խմբակցության պատգամավոր Արմեն Չարջյանին, որն այդ ժամանակ «Իզվիրյան» բժշկական կենտրոնի տնօրենն էր: Արդար կլինե՞ր, որ քրեական հետապնդում իրականացվեր ոչ միայն Չարջյանի, այլ այդ եզրակացությունը տված մյուս դերակատարների, այդ թվում՝ Արգամ Հովսեփյանի նկատմամբ, սակայն դատախազ Աննա Վարդապետյանին հեռաքրքում է միայն Չարջյանին մեղադրելը:



ԻՐԱՎԻՃԱԿ

ՀԱՆՐԱՊԵՏՈՒԹՅԱՆ ԶԵՆ ԲԱՑԱՌՈՒՄ

ՓԱՇԻՆՅԱՆՆ ԸՄ ԵՎԻՄԻՆ ԵՆ ՄՅՈՒՆԻՍԵՆ

ԿԳՈՐԾՈՒՂՎԵՆ ՀՆԴԿԱՍՏԱՆ

Աժ Նախագահ Ալեն Սիմոնյանի կարգադրությամբ՝ Աժ փոխնախագահ Յակոբ Արշակյանը եւ «Քաղաքացիական պայմանագիր» խմբակցության պատգամավորներ Արեն Մկրտչյանն ու Ծովինար Վարդանյանը փետրվարի 28-ից մարտի 5-ը աշխատանքային այցով կգործուղվեն Հնդկաստան՝ Նյու Դելի:

Նկատելի է, որ համապատասխան կարգադրության մեջ հստակեցված էլ չէ, թե ՔՊ-ականները ինչ հանդիպումներ են ունենալու Հնդկաստանում:

ArmLur.am-ը տեղեկացավ, որ գործուղման հետ կապված ճանապարհածախսի, օրապահիկի, ինչպես նաեւ գիշերավարձի ծախսերը կատարվելու են պետբյուջեի հաշվին:

240 ՄԼՆ ԳՐԱՄ ԿԳՄԱՆ-ԻՆ

ArmLur.am-ը տեղեկացավ, որ ՀՀ կրթության, գիտության, մշակույթի եւ սպորտի նախարարությունը 240 մլն դրամ է ուղղելու Հայ կինոյի հիմնադրման 100-ամյա հոբելյանական միջոցառումների կազմակերպման եւ իրականացման համար: Հիմնադրման մեջ նշվում է, թե ՀՀ կրթության, գիտության, մշակույթի եւ սպորտի նախարարությունը՝ ՀՀ կառավարական հոբելյանական հանձնաժողովի գլխավորությամբ, ոլորտում առաջատար կազմակերպությունների եւ անհատների մասնակցությամբ, նախաձեռնել են տասնյակից ավելի միջոցառումների եւ հրատարակչական ծրագրերի իրականացում: Ծրագրերն իրականացվելու են 4 ուղղություններով՝ ռազմավարական, միջազգային, հրատարակչական եւ ներպետական միջոցառումների իրականացում: Եվ հենց Հայ կինոյի հիմնադրման 100-ամյա հոբելյանական միջոցառումների պատշաճ կազմակերպման եւ անխափան իրականացման նպատակով էլ առաջարկվում է ֆինանսական հատկացումներ տրամադրել Հայաստանի Հանրապետության պետական բյուջեի պահուստային ֆոնդից:

ԻՆՉ ԵՆ ՊԱՐԱՆՋՈՒՄ

ՀՀ կառավարությունը թույլտվություն կտա Իրանի Իսլամական Հանրապետությանը Հայաստանում հողամաս ձեռք բերել: ArmLur.am-ը տեղեկացավ, որ Հայաստանի Հանրապետությունում Իրանի Իսլամական Հանրապետության դեսպանությունը հայտագրով դիմել է ՀՀ արտաքին գործերի նախարարություն՝ ՀՀ քաղաքացի Լիլիթ Լեւոնի խաչատրյանին սեփականության իրավունքով պատկանող Հայաստանի Հանրապետություն, քաղաք Երեւան, Ավան Յ. Աճառյան փողոց 35/23 հասցեում գտնվող բնակելի տունը օրենքով սահմանված կարգով ձեռք բերելու համար՝ դեսպանի կեցավայրի տեղակայման նպատակով: Թույլտվության հիմնավորման մեջ նշվում է, որ Հայաստանի եւ Իրանի միջեւ բարեկամությունն ունի դարերի պատմություն: Այդ բարեկամության եւ երկկողմ համագործակցության հաստատման եւ զարգացման համար նոր հնարավորություններ եւ նախադրյալներ են ստեղծվել Հայաստանի անկախացումից հետո: Երկու երկրների միջեւ արդյունավետ համագործակցությունն ընթանում է էներգետիկայի, բնապահպանության, մշակույթի եւ այլ ոլորտներում:

Վարչապետ Նիկոլ Փաշինյանը մեկնում է Մյունխեն՝ մասնակցելու փետրվարի 17-19-ն անցկացվող անվտանգության համաժողովին: Իլիամ Ալիեւը նույնպես մասնակցիցների թվում է:

Հայաստանի ու Ադրբեջանի ղեկավարների հանդիպումն ադրբեջանական լրատվամիջոցները չեն բացառում: Հայաստանի կառավարությունից փոխանցում են՝ այս պահին նման տեղեկություն չունեն: Միայն ասում են՝ Փաշինյանն այնտեղ հանդիպումներ կունենա մի շարք պետությունների ղեկավարների հետ՝ առանց հստակեցնելու:

Փաշինյանն ու Ալիեւը 44-օրյա պատերազմից մի քանի ամիս առաջ՝ 2020-ի փետրվարին, մյունխենյան հարթակն օգտագործեցին. բանավեճի ֆորմատով բաց քննարկում անցկացվեց: Հենց այդ քննարկմանը Փաշինյանը հասավ մինչեւ Տիգրան Մեծ:

Մյունխենում է լինելու նաեւ ԱՄՆ-ի պետքարտուղարը, որը հայ-ադրբեջանական ուղիղ շփումների կողմակից է: Պաշտոնական Բաքուն հաղորդեց, որ հեռախոսազրույցի ընթացքում բանակցային գործընթացի հեռանկարներին, 2 ամսից ավելի փակ պահվող Լաչինի հարցին եւ անդրադարձել Բլինքենի եվրոպական եւ եվրասիական հարցերով տեղակալ Քերոլն Դոնֆրիդը եւ Ադրբեջանի արտգործնախարար Ջեյհուն Բայրամովը: Սա պաշտոնյաների երկրորդ հեռախոսազրույցն է վերջին մեկ շաբաթվա ընթացքում: Նախորդին եւս այդ հարցերին էին քննարկվել: Նույն այդ օրը ամերիկացի պաշտոնյան նաեւ Հայաստանի արտգործնախարար Արարատ Միրզոյանի հետ էր խոսել, անդրադարձել Հայաստան-Ադրբեջան հարաբերությունների կարգավորմանը:

Ի դեպ, Արարատ Միրզոյանը եւս վարչապետի հետ կմեկնի Մյունխեն:

Միեւնույն ժամանակ Հայաստանը ավարտել է Ադրբեջանի հետ խաղաղության եւ հարաբերությունների հաստատման պայմանագրի նախագծի հերթական փուլի աշխատանքները եւ առաջարկները փոխանցել ադրբեջանական կողմին. երեկ կառավարության Նիստի ժամանակ հայտարարեց վարչապետ Նիկոլ Փաշինյանը:

Փաշինյանը տեղեկացրեց, որ փաստաթուղթը փոխանցել են նաեւ ԵԱՀԿ Մինսկի խմբի համանախագահող երկրներին:

«Առաջարկներ ասելով՝ պետք է նկատի ունենալ ամբողջական փաստաթղթի



Նախագիծը՝ մեր առաջարկներով: Մենք նախագծի վրա աշխատում ենք հետեւյալ տրամաբանությամբ՝ ստանալ մի փաստաթուղթ, որը ցանկացած պահի պատրաստ ենք ստորագրել: Հասկանալի է, իհարկե, որ այդ փաստաթուղթը պիտի ընդունելի լինի Ադրբեջանի համար: Հույս ունենք, որ արդեն երեք փուլ բանակցությունների արդյունքում նկատված որոշակի առաջընթացը հնարավոր կլինի զարգացնել», - ասաց գործադիր ղեկավարը:

Օրերս Բեռլինում Հայաստանի արտգործնախարար Արարատ Միրզոյանը հայտարարեց, որ Ադրբեջանն արձագանքել է խաղաղության պայմանագրի նախագծի վերաբերյալ հայկական կողմի առաջարկներին, դրանք փոխանցել Երեւանին, Երեւանն էլ այժմ աշխատում է դրա վրա: «Հայաստանը հաստատակամորեն է ներգրավված այս բանակցություններում, եւ մենք նպատակ ունենք շարունակել մեր ակտիվ ջանքերը մեր

տարածաշրջանում կայուն եւ երկարատեւ խաղաղություն կառուցելու գործում», - ասել էր Միրզոյանը:

Փաշինյանը ներկայացրեց Հայաստանի տեսլականը՝ փաստաթուղթը պետք է պարունակի պայմանավորվածությունների այնպիսի տրամաբանություն, հակակշիռների ու զսպումների այնպիսի գործուն համակարգ, որը կբացառի տեւական եւ կայուն խաղաղության խաթարման որեւէ սցենար:

«Փաստաթղթի ստորագրումը ոչ թե պիտի վերակերպվի պատերազմի՝ արդեն խաղաղության պայմանագրի հիման վրա (սա արտուրդ է հնչում, բայց կարող է լինել նաեւ այսպիսի սցենար), այլ, ընդհակառակը, իսկապես նշանակի տեւական խաղաղություն», - ասաց Փաշինյանը՝ շեշտելով այսպիսի պայմանագիրը օր առաջ ստորագրելու կառավարության եւ անձամբ իր հանձնառությունը:

ՆԱԽՈՒ ՅՈՒՆԻՍԵՆ

ՕՐՎԱԿ ԽՃԱՆԿԱՐ

ԻՐԱՎԻՃԱԿԸ ՄԱՐՄԱՆԻՆ

«Կուտակյան համայնքում այս պահին խաղաղ է, ամեն ինչ նորմալ է», - ArmLur.am-ի հետ զրույցում ասաց Գեղարքունիքի մարզի Կուտակյան համայնքի վարչական ղեկավար Մակիչ Թովմասյանը:

«Մարդիկ զբաղված են իրենց առօրյա գործերով. ճիշտ է, մտահոգված են, բայց սպասենք՝ գարունը գա, տեսնենք՝ ինչ կլինի», - նշեց նա:

Հիշեցնենք, որ փետրվարի 14-ին՝ ժամը 18:05-ի սահմաններում, Նորաբակի ուղղությամբ, Նախնական տվյալներով, հակառակորդի կրակոցից հրազենային վիրավորում է ստացել ՊՆ N զորամասի զինծառայող Դ. Պ. -ն:

Ջինձառայողի վիճակը գնահատվում է միջին ծանրության, կյանքին վտանգ չի սպառնում:

Դեպքի հանգամանքները լիարժեք պարզելու համար տարվում է քննություն:

ԼԱՐՎԱԾՈՒԹՅՈՒՆԸ ՊԵՏՔ Է ԹՈՒԼԱՑՆԵԼ

Հայաստանը եւ Ադրբեջանը պետք է թուլացնեն լարվածությունը եւ ընթանան համապարփակ եւ տեւական խաղաղության ուղով: Մամուլի ասուլիսի ժամանակ նման հայտարարություն է արել ԱՄՆ պետքարտուղարության պաշտոնական ներկայացուցիչ Նեդ Փրայսը:

«Թե՛ Հայաստանին, թե՛ Ադրբեջանին՝ հենց կողմերին, ինչպես նաեւ ողջ տարածաշրջանին ուղղված մեր ուղերձն այն է, որ հարկավոր է լարվածությունը թուլացնելու ուղի գտնել եւ նորից ընթանալ հա-

մապարփակ եւ կայուն խաղաղության ուղով: Մենք ներգրավված ենք եղել այդ ջանքերում, ներգրավված ենք եղել այդ ջանքերում երկկողմանիորեն, ներգրավվել ենք այդ ջանքերում բազմակողմանիորեն եւ կշարունակենք անել հնարավոր ամեն բան ուղղակիորեն կողմերի հետ, ինչպես նաեւ բազմակողմ կառույցների եւ խմբավորումների միջոցով այդ գործն առաջ մղելու համար: Մենք հույս ունենք, որ մյուս երկրները կուղարկեն ճիշտ նույն ուղերձը», - ասել է Փրայսը:

Պատասխանելով այն հարցին՝ արդյոք ԱՄՆ-ն ողջունում է Երեւանի եւ Անկարայի միջեւ վերջին շփումները Թուրքիայում տեղի ունեցած երկրաշարժից հետո՝ Նեդ Փրայսը նշել է, որ Վաշինգտոնը ողջունում է աշխարհի բոլոր երկրներին, որոնք ավերիչ երկրաշարժերից հետո կանգնել են Թուրքիայի եւ Սիրիայի ժողովուրդների կողքին:

ՀԱՍԱՐԱԿՈՒԹՅՈՒՆ

ՄԱՐԶ

ԱՃԵԱՏԱՎԱՐՁԵՐԸ ՈՒՇԱՑՐԵԼ ԵՆ

Տավուշի մարզի հանրակրթական դպրոցների աշխատողները աշխատավարձ սովորաբար ստանում են ամեն ամսվա 4-ին, սակայն մինչ այժմ ուսուցիչների շահերը չկան...

ՄՊԱՆԴԱՆՈՑՆԵՐ ԶԵՆ ԿԱՌՈՒՑԵԼ

2020թ. հունվարի 15-ին պետք է ուժի մեջ մտեր այն որոշումը, որ անասունների մորթը պետք է կատարվեր միայն դրա համար նախատեսված, սակիտարական համապատասխան պայմաններում...

ՈՍՎԻՍ ՍՈՐՈՑՅԱՆ Տավուշ

ՓՈՓՈԽՈՒԹՅՈՒՆՆԵՐ

ԿՄՏԵՂԾՎԻ ԿԱՐԳԱՊԱՐԱԿԱՆ ՐԱՆՁՆԱԺՈՂՈՎ

Կառավարությունը փետրվարի 16-ի նիստում հավանություն տվեց «Հակակոռուպցիոն կոմիտեի մասին» օրենքում փոփոխությունների նախագծին:

Որոշման հիմնավորման մեջ նշվում է, որ այս նախագծի ընդունումը պայմանավորված է Հակակոռուպցիոն կոմիտեում կարգապահական վարույթների իրականացման կարգավորումների մասով առավել համապարփակ իրավակարգավորումներ ունենալու անհրաժեշտությամբ:

Հանրային ծառայության բարեկարգության ամրապնդման գործում առանցքային դերակատարում ունի կարգապահական համակարգի ձեւավորումը: Այս տեսանկյունից կարելի է տեղի ունեցող բոլոր խախտումներին պատշաճ ու համաչափ արձագանքի ապահովումը:

Նախագծի շրջանակներում առաջարկվում է օրենքը լրացնել համապատասխան կանոնակարգումներով՝ ուղղված կարգապահական հանձնաժողովի ձեւավորման կառուցակարգեր ստեղծելուն: Մասնավորապես, առաջարկվում է կոմիտեում ձեւավորել հանձնաժողով, որը բաղկացած է 8 անդամից:

Նախագծով ապահովվում է կարգապահական հանձնաժողովի ներառական կազմ, մասնավորապես՝ դրանում ներառվելու են Հակակոռուպցիոն կոմիտեի նախագահի տեղակալներից մեկը՝ կոմիտեի նախագահի որոշմամբ, Հակակոռուպցիոն կոմիտեի՝ վիճակահանությամբ ընտրվող մեկ քննիչ, մեկ օպերատիվ-հետախուզական ստորաբաժանման ծառայող, ՀՀ գլխավոր դատախազության կողմից ներկայացված մեկ դատախազ, Մարդու իրավունքների պաշտպանի կողմից ներկայացված մեկ ներկայացուցիչ, մեկ իրավաբան-գիտնական, վարչապետի առաջարկությամբ ներկայացված հակակոռուպցիոն ոլորտի քաղաքականության մշակումն իրականացնող մարմնի 2 ներկայացուցիչ: Հանձնաժողովի անդամները նշանակվում են 3 տարի ժամկետով: Միաժամանակ հարկ է նշել, որ պաշտոնավարման ժամկետների տեսանկյունից առանձնահատուկ կարգավորումներ են նախատեսվել հանձնաժողովի առաջին կազմի անդամների համար: Մասնավորապես, նախագծով սահմանվել է, որ հանձնաժողովի առաջին կազմում ներգրավված Հակակոռուպցիոն կոմիտեի նախագահի տեղակալը, Մարդու իրավունքների պաշտպանի կողմից ներկայացված ներկայացուցիչը, իրավաբան-գիտնականը, վարչապետի առաջարկությամբ ներկայացված Հակակոռուպցիոն ոլորտի քաղաքականության մշակումն իրականացնող մարմնի 2 ներ-



կայացուցիչները պաշտոնավարում են 2, իսկ Հակակոռուպցիոն կոմիտեի՝ վիճակահանությամբ ընտրվող քննիչը, օպերատիվ-հետախուզական ստորաբաժանման ծառայողը, ՀՀ գլխավոր դատախազության կողմից ներկայացված դատախազը՝ 1 տարի ժամկետով: Նշվածը պայմանավորված է հանձնաժողովի գործունեության հետագա ընթացքի շարունակականությունը ապահովելու անհրաժեշտությամբ:

Հարկ է նաեւ նշել, որ նախագծով նախատեսվում է, որ հանձնաժողովի նախագահի պաշտոնավարման ժամկետը մեկ տարի է:

Նշված կարգավորումները ուղղված են հանձնաժողովի գործունեության անկախությունն ու հնարավոր ազդեցությունները բացառումն ապահովելուն:

Նախագծով նաեւ հստակեցվում են կարգապահական ներգործության միջոցներ կիրառելու ընթացակարգերը: Նախատեսվում է, որ կոմիտեի ծառայողի նկատմամբ իրականացվող ծառայողական քննությունն ունի երկու փուլ՝ նախնական ու-

սումնասիրություն եւ կարգապահական վարույթ:

Կարգապահական վարույթի իրականացման համար նախագծով առաջարկվում է սահմանել հստակ ժամկետներ:

Նախագծով նաեւ սահմանվել են երաշխիքներ կոմիտեի ծառայողների իրավունքների ապահովման տեսանկյունից: Նախատեսվում է, որ կոմիտեի ծառայողն իրավունք ունի բացատրություն տալու իր նկատմամբ հարուցված կարգապահական վարույթի առնչությամբ, ստանալ իրավաբանական օգնություն, այդ թվում՝ հանդես գալ ներկայացուցչի միջոցով:

Շահերի բախման հնարավոր դեպքերը կանխելու նպատակով նախագծով սահմանվում են այն հանգամանքները, որոնց առկայության դեպքում հանձնաժողովի անդամներին կարգվելի մասնակցել հանձնաժողովի գործունեությանը:

Միաժամանակ, նախագծով սահմանվում են հանձնաժողովի ձեւավորման ժամկետները, ինչպես նաեւ նախատեսվում են կարգավորումներ, որոնք կապահովեն կոմիտեի վարքագծի կանոնների ընդունումը եւ այլն:

ՊԱՐՏԱՎՈՐ ԵՆ

ՀԱՅՏԱՐԱՐԱՊԻՎԵԼ ԵՆ 7500 ԻՐԱՎԱՔԱՆԱԿԱՆ ԱՆՁԻՆՔ

ՀՀ արդարադատության նախարարությունը հայտնում է, որ 2023 թվականի հունվարի 1-ից մինչ այսօր իրականացված ընթացքում 7500 իրավաբանական անձ:

«Եվս մեկ անգամ տեղեկացնում ենք, որ բոլոր իրավաբանական անձինք (անկախ կազմակերպարարական տեսակից) պարտավոր են Իրավաբանական անձանց պետական ռեգիստրի գործակալություն ներկայացնել իրական շահառուները:

րի վերաբերյալ հայտարարագիր: Նշված պարտավորության կատարման ժամկետը լրանում է 2023 թվականի մարտի 1-ին:

Իրական շահառուների վերաբերյալ հայտարարագիր ներկայացնելու պարտականություն ունեցող անձի կողմից օրենքով սահմանված ժամկետում իրական շահառուների վերաբերյալ տեղեկություններ չներկայացնելը, համաձայն Վարչական իրավախախտումների վերաբերյալ օրենսգրքի 169.29 հոդվածի, առաջացնում է վարչական պատասխանատվություն:

Տեղեկացնում ենք, որ նախորդ տարիների հայտարարագիր ներկայացրած անձինք եւս մինչեւ փետրվարի 20-ը պարտավոր են ներկայացնել տեղեկատվություն՝ նախորդ հայտարարագրում նշված տեղեկությունների արդիականության մասին, կամ պետք է ներկայացնեն փոփոխված հայտարարագիր:

Համապատասխան տեղեկությունները սահմանված ժամկետում չներկայացնելը եւս առաջացնում է վարչական պատասխանատվություն», - հայտնում են ԱՆ-ից:

● Անցած 1 օրվա ընթացքում Հայաստանի Հանրապետությունում արձանագրվել է 7 ՃՏՊ. 7 մարդ ստացել է տարբեր աստիճանի մարմնական վնասվածքներ:

ՆԱԽԱԶԵՌՆՈՒԹՅՈՒՆ

ԱԶՆԱՎՈՒՐԻ ԵՐԳԵՐԸ՝ ՆՈՐ ՇՆՉՈՎ

Ֆրանսիական նրբագեղությամբ, բայց հայկական հնչեղությամբ ու ճնշով Ազնավուրի երգերը Newmag-ը շարունակում է քարզմանել հայերեն ու անգլերենով: Գրական ու երաժշտական:

Հինգերորդ երգի պրեմիերան տեղի կունենա Newmag գրքի ծմբային փառատոնի շրջանակում:

Que Cest Triste Venise (Վենետիկն է տխրում), աշխարհահռչակ շանսոնե Շառլ Ազնավուրի «Վենետիկն է տխուր» երգը Newmag հրատարակչության նախաձեռնությամբ թարգմանվել է հայերեն: Սա Newmag-ի թարգմանությամբ Ազնավուրի թվով 5-րդ երգն է: Երգը կատարում է Անդրեյն, տեսահոլովակի պրեմիերան տեղի կունենա փետրվարի 18-ին Newmag Winter Fest 2023 գրքի փառատոնի ժամանակ:

Ազնավուրի ամենամեղեդային, սիրառատ ու տպավորիչ գործերից մեկի տեսա-հոլովակի նկարահանումները կատարվել են հենց Վենետիկում:

Rest (Մնա), ազնավուրյան արվեստի հայաֆիլագոմը Newmag հրատարակչությունը նախաձեռնել էր դեռևս 2021 թվականին՝ առաջին երգը ներկայացնելով Ազնավուրի հայերեն հրատարակված 5-րդ գրքի՝ «Հայրս՝ այդ հսկան» շնորհանդեսի ժամանակ: Rest (Մնա) ստեղծագործությունը կատարել է Էրիկ Կարապետյանը:

Emmenez-moi (Տարեք ինձ), «Տարեք ինձ այդ ափերը հեռու, տարեք այնտեղ, ուր ամառ է արել, արելի տակ այս կյանքի բեռը միզուցե կլինի մի քիչ թեթև»: այսպես է հնչում Ազնավուրի Emmenez-moi երգի հայերեն թարգմանված տարբերակը, որը կոչվում է «Տարեք ինձ»: 2021 թվականի հոկտեմբերին ներկայացված երգը կատարում է Շուշան Պետրոսյանը: Օրիգինալ երգի բառերի եւ երաժշտության հեղինակը շանսոնյե է, թարգմանությունը կատարել է Պերճ Թյուրաբյանը: «Տարեք ինձ» տեսահոլովակի ռեժիսորը Հարութ Շատյանն է, նկարահանումները



կատարվել են Սեւանա լճում: Newmag-ը երգի պրեմիերան նախաձեռնել էր Ազնավուրի La Boheme (Անցած օրեր) գրքի շնորհանդեսի ժամանակ:

Qui (Ով), Շառլ Ազնավուրի՝ 20 տարվա տարիքային տարբերությամբ սիրո մասին պատմող Qui՝ (Ով) երգի հայերեն տարբերակը եւս հանրայնացվեց Newmag-ի թարգմանությամբ: Երգը թարգմանել է Սամվել Գասպարյանը, կատարում է Սոֆի Մխչյանը, երաժշտական արդյունքը Մարտին Միրզոյանն է:

Mourir d'aimer (Մեռնել սիրելով), երգ, որի ոգեշնչումը ողբերգական սիրո իրական պատմություն է: 1969-ին Ֆրանսիայում 39-ամյա ուսուցչուհի Գաբրիելա Ռուսիեյը սիրահարվել էր իր անչափահաս աշակերտին: Ծնողները կնքը դատի էին

տվել, բայց սիրահարված կինը, չսպասելով դատավճռին, ինքնասպան էր եղել: Կինը մեռնում է սիրելով, իսկ Ազնավուրն այս հուզիչ սիրո պատմությունը վերածում է երգի՝ այն նկարագրելով իր ուրույն ոճով, մեղեդային ու նուրբ հնչեղությամբ:

Բանաստեղծության թարգմանության հեղինակը Սամվել Գասպարյանն է: Ազնավուրի «Մեռնել սիրելով» երգը կատարել է Սյուզաննա Մելքոնյանը: Newmag Winter Fest 2023-ը տեղի կունենա փետրվարի 18-ին «Կոնգրես» հյուրանոցում: Փառատոնի շրջանակում նախատեսվում են շնորհանդեսներ, տարբեր հանդիպումներ ու պանելային քննարկումներ, համագործակցության հուշագրերի ստորագրում եւ գրքերի վաճառք մինչև 40% տոկոս զեղչով:

ԼՈՒՐԵՐ

ԼՈՒՄԱՆԿԱՐՆԵՐԸ ՆՄԱՆ ԵՆ

Ռեփեր Ջիգանը բուժում է ստանում «Poca» մասնավոր հոգեբուժական կլինիկայում:

Լրատվամիջոցների աշխատակիցներն ուսումնասիրել են Ջիգանի նկարները հիվանդանոցից եւ համեմատել դրանք «Poca» կլինիկայի պաշտոնական կայքի լուսանկարների հետ: Լրագրողները նշել են, որ ինտերիերը եւ այլ մանրամասներ մեծապես համընկնում են: Հիվանդանոցը մասնագիտացած է դետոքս ծրագրերի, հոգեբանական ու հոգեբուժական հիվանդությունների բուժման մեջ, եւ հիվանդներին օգնում են վերականգնվել Նյարդային խանգարումներից, ինչպես նաեւ դեպրեսիվ վիճակներից հետո: Կլինիկան օգնում է նաեւ ազատվել ալկոհոլից, նիկոտինից եւ թմրամոլությունից ունեցած կախվածությունից:

ԳԻՆԵԳՈՐԾԱՐԱՆԸ ԿՎԱՃԱՌՎԻ

Mout Hennessy-ն ձեռք կբերի ֆրանսիական Minuty գինեգործական կալվածքի բաժնետոմսերի մեծամասնությունը, որն արտադրում է վարդերից պատրաստված ամենապահանջված գինիներից մի քանիսը:

Mout Hennessy ընկերությունը՝ LVMH կոնգլոմերատի գինիների եւ ալկոհոլային խմիչքների բաժնը, ռազմավարական դաշինք է հայտարարել ֆրանսիական գինի արտադրող Minuty-ի հետ:

Գործարքի պայմանները չեն բացահայտվել, սակայն դրանք ներառում են ֆրանսիական ընկերության բաժնետոմսերի մեծամասնությունը ձեռք բերելու կետ: Նրա ներկայիս տնօրեններն եւ գործընկերներն ժան-Էտյենը ու Ֆրանսուա Մատտոնը, որոնք ֆրանսիական գինեգործարանի հիմնադրի ժառանգներն են, կշարունակեն ղեկավարել ընկերությունը:


Minuty կալվածքը կառուցվել է 19-րդ դարի երկրորդ կեսին, եւ 1936 թվականին այն ձեռք է բերել Մաթոնի նախահայր Գաբրիել Ֆարնը: Այն գտնվում է Մեն-Տրոպեում եւ առավել հայտնի է իր Chteau Minuty վարդերի գինով: Ալկոհոլային խմիչքը վաճառվում է մոտ 100 երկրներում: Ընկերության տվյալներով՝ 2022 թվականին այն վաճառել է 9 միլիոն 2ի2 ամբողջ աշխարհում:

«Ելնելով արտահանման մեծ պահանջարկից՝ այս դաշինքը կուժեղացնի Minuty գինիների զարգացումը միջազգային մակարդակում՝ օգուտ տալով Ros de Provence-ի ողջ կատեգորիային», - ասել է Mout Hennessy-ի նախագահ եւ գործադիր տնօրեն Ֆիլիպ Շաուսը:

ՀՊԱՐՏԱՑԵԼ Է

«ՄԵՆՔ ՄԵՐՄԵՐ ԵՆՔ ՏԱԼԻՍ». ԱԼԵՔՍԻՍ ՕՂԱՆՅԱՆ

Ամերիկահայ հայցնի գործարար, Reddit-ի համահիմնադիր Ալեքսիս Օհանյանը ցանկացած առիթ օգտագործում է իր հայկական արմատներով ու ժառանգությամբ հողաբանալու համար: Ամերիկահայ թեմիսոսիկի Մերենա Ռիլյանսի ամուսինը բավականին ակտիվ է սոցիալական ցանցերում, որտեղ, դարբերաբար, կիսվում է իր առօրյայով: Ինսագրամյան իր ամենաբարձր հրադարձված մեջ Օհանյանը տեղադրել է մի լուսանկար, որում դուրս եւ ծնողների հետ զույգի դաշտում է: Նա հայցնել է, որ դուրս՝ Օլիմպիայի հետ հրաշալի ժամանակ են անցկացրել եւ հիանալի վարժանքներ ունեցել:



Մեկնաբանություններում գործարարի հեռուտորոնների ուշադրությունը գրավել է փոքրիկ Օլիմպիան: Քոմենտներից մեկում ասվում է՝ «Օհանյանի գեները գերիշխում են», ինչին հաջորդել է անձամբ Օհանյանի մեկնաբանությունը. «Մեզ փորձում էին թաղել, բայց մենք սերներ ենք տալիս»:

● Փետրվարի 18-ին Գ. Սունդուկյանի անվան ազգային ակադեմիական թատրոնում տեղի կունենա «Ալադին» ներկայացումը: Տոմսերի արժեքը՝ 1000-3000 դրամ: Սկիզբը՝ ժամը 14:00-ին:



Էջը՝ ՈՂՋԱ ՊՈՂՈՍՅԱՆԻ

ՍՈՑԻԱԼԱԿԱՆ

ՀԱՐՑ. Ուզում եմ իմանալ, թե ինչ արգելանքներ կան իմ նկատմամբ հարկադիրում: Ո՞ւմ դիմել եմ ինչդե՞ս դարձել:

Լիանա Սարգսյան (22 տարեկան)



ՊԱՏԱՍԽԱՆ. Ծշտելու համար, թե արդյոք դատական ակտերի հարկադիր կատարման ծառայությունում Ձեր վերաբերյալ առկա են հարուցված վարույթներ, եւ կիրառված են արդյոք արգելանքներ, բավարար է միայն ձեռքի տակ ունենալ սեփական սոցիալական քարտը կամ նույնականացման քարտը, որտեղ նշված է Ձեր հանրային ծառայության համարանիշը՝ 303-ն: Սոցիալական քարտի 10-նիշանոց համարը՝ 303-ն, յուրաքանչյուր քաղաքացու պետության կողմից կյանքում տրվում է մեկ անգամ եւ ենթակա չէ փոփոխման: Արգելանքների առկայության մասին տեղեկություններ կարող եք ստանալ միանգամից մի քանի եղանակով, եւ ամենեւին էլ անհրաժեշտ չէ ներկայանալ Հարկադիր ծառայություն:

ՀՀ դատական ակտերի հարկադիր կատարման ծառայություն

«ԺՈՂՎՈՒՐԳ». Անհրաժեշտ է այցելել հարկադիր ծառայության պաշտոնական կայք, ֆիզիկական անձի դեպքում ընտրել ՀՀ պատուհանը, լրացնել Ձեր սոցիալական քարտի համարը, նշել ստուգիչ կոդը, իսկ իրավաբանական անձի դեպքում ընտրել ՀՀ պատուհանը, լրացնել իրավաբանական անձի կամ անհատ ձեռնարկատիրոջ ՀՀՀՀ-ն, նշել ստուգիչ կոդը եւ սեղմել որոնում: Համակարգը ավտոմատ կերպով կբերի բոլոր այն կատարողական վարույթներն ու անհրաժեշտ տվյալները, որոնք առկա կլինեն Ձեր վերաբերյալ: Եթե որեւէ տվյալներ չգտնվեն, դա կնշանակի, որ Ձեր վերաբերյալ որեւէ վարույթ առկա չէ:

ԻՐԱՎՈՒՆՔ

ՀԱՐՑ. Գասարանից գրություն եմ ստացել, որ բանկն ինձ դափ է սվել վարկը չմատուցելու համար, եւ կից ուղարկել են «Հայցադիմում» վերնագրով փաստաթուղթ, ի՞նչ անել եւ ո՞ւմ դիմել:

Լյուդմիլա Հովհաննիսյան (55 տարեկան)



ՊԱՏԱՍԽԱՆ. Հայցադիմումը բանկի կողմից կազմված այն փաստաթուղթն է, որով ներկայացրել են իրենց պահանջները դատարանին՝ ընդդեմ Ձեզ: Հայցադիմումի մեջ հստակ նշված է, թե, ըստ բանկի, որքան է կազմում պարտքի գումարը, ինչպես է այն գոյացել, եւ ինչ հիմքով է բանկը ցանկանում այն բռնագանձել Ձեզանից: Ստանալով դատարանի որոշումը՝ այդ պահից սկսած՝ երկշաբաթյա ժամկետում, Դուք իրավունք ունեք դատարանին ներկայացնել հայցադիմումի պատասխան, որի մեջ պետք է մանրամասն շարադրեք, թե ինչու եք առարկում բանկի պահանջների դեմ:

ՀՀ բարձրագույն դատական խորհուրդ

«ԺՈՂՎՈՒՐԳ». Հայցադիմումի պատասխանը պետք է ստորագրեք Դուք կամ Ձեր ներկայացուցիչը: Ներկայացուցչի ստորագրած պատասխանին կցվում է նրա լիազորությունը հավաստող փաստաթուղթը եւ անձը հաստատող փաստաթղթի պատճենը: Հայցադիմումի պատասխանին կցվում են հայցադիմումի պատասխանը, կից ներկայացվող փաստաթղթերը եւ ապացույցները, բանկին եւ գործին մասնակցող մյուս անձանց ուղարկելը հավաստող փոստային անդրադրերը:

ԼՈՒՐ ԿԱԴՐ

Լուսանկարն արվել է Երեւանում



Ավտոտնակի սեփականատիրոջը երեւի թե շատ են հուճկոյն հանել անտեղի կայանումները, եւ նա այսպիսի «կտրուկ» միջոցի է դիմել: Ամեն դեպքում, խորհուրդ է տրվում կոչն ընդունել հումորով:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել



«Հայմամուկ» ՓԲԸ հեռ. 45-82-00, 45-19-11

«Հայփոստ» ՊՓԲԸ հեռ. 51-45-46, 51-45-47

«Բլից-Մեդիա» ՍՊԸ հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

Subscription form with fields for name, address, phone, and a contact number (060) 490049.



«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»:

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ Հասցեն՝ ք. Երեւան, Աբովյան 22՝/3, հեռ.՝ 010 54-64-23 Պետական գրանցման վկայականի համարը՝ 03Ա089086 տրված է 24.11.2010 Ստորագրված է տպագրության 16.02.2023

Գլխավոր խմբագիր՝ ԶՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: